



# Antogueta'ac

- An'natağanec ye nerecpi nenağatpi ra mashe ýaqta'a ra anallet taq ra auache ca errec cam na'gue ca analletaqa, cam número ca natağala' ra ate'ua' taq ca naloqec.
- Auechetec ca pa'atec no'on eré uetalec na enağat.
- Nam sheğauapi ra mashe himmat na qaimağalecpi na ueta'a ra lletaqa' taq ra mashe himmetá qaimeten ca leré taq ra hiven ra qaitauan.
- Ra mashe iaqta'a ra qojec ua'auñé ammeten ca eré taq ca nerec ra mashe anallet amqoñañe' nache maeche om.



## Natağanağac ye nerecpi:

### Nataqaen na internet



[www.padron.gob.ar](http://www.padron.gob.ar)

### Niağanağac nataqaen ishet



0800-999-7237

### Ra camachaq'cá an'natağanağac nache ishet ra ayağaná ye:

Teléfonos: (011) 4883-9930/31/56

[elecciones@elecciones.gob.ar](mailto:elecciones@elecciones.gob.ar) | [acces\\_electoral@mininterior.gob.ar](mailto:acces_electoral@mininterior.gob.ar) |

[acces\\_electoral@elecciones.gob.ar](mailto:acces_electoral@elecciones.gob.ar)

# Aualectapeguevó nache erá ra enec

## Lletağac nacionales 2023

Qom



Elecciones 2023



@InfoDINE



@InfoDINE



Info-DINE



InfoDINETV

[argentina.gob.ar/dine](http://argentina.gob.ar/dine)



Dirección Nacional Electoral



Ministerio del Interior Argentina



### ¿Negue'cá ca qanalle'lec?

#### 13 de agosto: Lletaġac Ua'auchiguiñepi, Qai'uatecpi, Nalota'pi taq Qaiapaqchichiguiñepi (PASO)

Ra qalcate'ua/pi nam candidatos/as na agrupaciones ntaġaġaġacpi ra qanallechegui nam Lletaġacpi Himmavecpi.

#### 22 de octubre: Lletaġacpi Enauacpi

Ra qalcate'ua/pi nam presidente/a, vicepresidente/a, 43 nam ueta na parlamentarios/as ye Mercosur, 130 nam diputados/as taq na 24 na senadores/as ená nacionales.



### Ra qaueta'aguet na qontaña ueta'a na qomle'ecpi, ¿ishet ra anallet?

Ajhá'. Enapi ra ueta'a na mashe nerecpi lletaġac nache ishet ra nallet.

#### Enapi nam:

Sheġauapi lañoqo' taq ra nasoma'ua so 16 vi'í ra netalec na neta'a nache ishet ra mashe 18.

**Himmavec nam sheġauapi shenaqta'a ra seviraġaguet ñe Ley.**



### ¿Negue'ná na democracia?

Ra naigui ye mashe lataġac ra etec na iatac na sonaqta'a ra maeche hil'laeque taq naloqten cam catape'gue'ua ra hil'lo'gué nacherá ra qaicolec na lletaġac.

### ¿Che'etó' ra qai'uen nam lletaġac?

Na sonaqta'a enauac/pi qalaġayé am ueto'ot na enec taq ra ishet ra auacolec ra aualectapegue'vá nqa'alaġa nam ntaġaġaġac ená sonaqta'a país. Ra ñeqonaġa'ua ra ñalletá', nache sauoqtaeque ra qalca'ate'ua na maeche qarataġalá'.

**Himmavec nam sheġauapi ueto'ot na maeche ne'enec ra lca'ate'ua taq ra maeche lca'ate'uaapi.**



### Na lletaġac nache:

- **Himmata'api:** qaicá ca qau'iot'tapegá na cheqa'gue, cam ia'amaqten, taq na lauó' taq na laiepi.

- **He'nam:** qaicá ca lletaġac, ra iactec taq ra egó' qaicá nam laiepi.

- **Qoio'ġotchiguiñe:** eñé pa'avó ishet ra qaġaġamaġatchiguiñé, nache ishet ra maeche anallet nache qaġica ca am hil'la'a. Qaiaca cam ishet ra am hin'nat'to'ot ra negue'cá ca analle'lec.

- **Am uasotavec:** qaicá cam amh'enapegá ra analle'lec taq ra amqaytaġatepeguet ená agrupación política taq candidatura.

- **Qaiapaqchichigui:** ra mashe qontaña/nache ishet am qay'uaqta'a/am qaypaqteteguelec/ra anallet.



### ¿Caq negué' laloqo' ra ñalletaq?

Ishet ra aġa'ua ra anallet ye mashe hivitá ye **8:00** taq ra mashe **18:00 naloqneq**. Ye naloqneq ra hivitá qalaq ra ñaq qoueteñá ca lletaqa' ishet ra am qaiuata'á ra anallet.



### ¿Negue'cá ca neré saché ra ñallet?

**Nacheratá auache ra anallet ca eré ra uetalec ca nerecpi taq ra ecá l'illá nenet'tañe ra him'mé.**

**Ca eré DNI ndotec taq ra maeche eré, auachetec nache'etae. Qai'uen: Ye eré DNI uetaigui ca an celular SAISHET ra qaiconeguet ra anallet.**



### ¿Ua'ac ca etec ra anallet?

1. Ishet ra am'mitaeque eñé:

www.padron.gob.ar taq nam ueta'a ca maeche analletaqa ra anallet. Aġa'ereñé cam número ca ate'ua taq ca ueta'a ca anaġat.

2. Ecá na'a' lletaġac ra aua'uaná ca analletaqa' nache anaqo'oná ca ueta'a ca nataġalá' ra nallet'tegá'. Saishet ra aucou'ae ca eré ra auaché.

3. Ra mashe avirevó nache aġa'añé' ca hil'lotegué' na quiaġalá' nache'ca ca am ġañé' ca sobre qui'itcheque taq mashe nanel'lec, himme nache am enapegá ra ap'pa'avoigui ca saq'yo'oq ra saishet ra aqailota'a.

4. Ra mashe apa'atavó, nache ecá sobre auasaġañegué ca shetaeque anallet'lec nache auapolec.

5. Nache ra an'noġonec nache auachaġaná ca sobre iapotagui ca hil'lotegué' na quia'ġalá' nache auasaġañegue ca le'enaġat urna.

6. Nam hil'lotegué' na quia'ġalá' am rqui'guiot ra ananel'lec ca ueta'a ca enaġat. Himmé nache am ġañé' ca uetalec ra mshe anallet nanet'talec taq ca eré. Auameten ra nache'ca ca eré himmé nache cheta'gue ra qocae.



### ¿Cam shetec ra qaicá ca boleto ra shetaeque ñalle'lec na pa'avó?

Ishet ra ap'pa'avec nache aucoyeguen ca hil'lotegué' na quia'ġalá' "ra qaicá ca boleto pi" qalaq saishet ra anasaġauec camyé saġanaqca.



### Naloqneq ra am qaitauan ra anallet:

Ishet ra aġaġanaeque ca hil'lotegué' ca quiaġalá' ra am ueto'ot ca nalolaġa/nvenaġanaġa lta'a, ra auo'ġotegá ca arshelaġala'té, ra ualaġae niet'ta'ua ca lalolqneq taq ra qamachaqca ca am uetapeguelec ra aua'piguí.



### Qaġa'auaġañé ra nallet

Ishet ra auaġaġane'ua ra saishet ra aualectaigui ca rtatevopi.



### Lletaġac ishet ra qanaquaguec

Ra uo'ó ca auqolategá ra uo'ó ca sa'ayshenem ra anallet ra am onolec/lé, ishet ra aġaġaná ca sheġauá ra auauat'ton (ra mashe iesá taq iachetavó ca leré) taq ishet ra aġaġaná ca hil'lotegué' na quiaġalá' (Ley nacional N° 26.774, art. 94).



### Lletaġac ñe pa'avó ra ishet ra ġaġamaqcheguiñé ra an'noġone'ua (COA)

**Himmavec lletaqa' ishet ra qaġavo'ó ca Lletaġaqui Napalaigui Saqalaq ra aigui** Nemaġe lletaġaqui napalaigui qoianagui ra nañá saqaġa'a ra ap'pa'vó ca lletaqa' taq ra saqaiqolan ca ñeguevó.

Qaġauo'ó ená pa'avec ca nerek taq na pa'auó ca lletaqa' nache ishet ra saqpa'a ra qaila'a nache qay'uat'ton.

Ishet ra ecá ñechiguiñá ca pa'auó lletaqa' nalotañé.

Nataqaen ra ishet ra aġaġanaeque ca hil'lotegué' na quia'ġalá', ca delegado/a na Justicia Electoral taq na namaġashec ená Comando General Electoral, nachená na hicoyeguen na hil'lotegué' na quia'ġalá' (Acordada CNE N° 77/2011).



### Pioq n'naequepegué

Ra auo'ogotegá na pioq ra an'naeque' taq ra am hivectec ra uo'ó cam aigué, ishet ra ap'pa'auó an'naeque' ca lletaqa' nataqaen ye pa'auó (Ley nacional N° 26.858).



### Ualec na nerecpi ra ananel'lec

Ra uo'ó ca auqola'ná ca shetaeque an'nel'lec ueta'a ca enaġat, ca hil'lota'ague' na quia'ġalá' am hin'nat ra au'ven ra am qaitauan taq ca etec ra saq'en saqalaq ra qai'o'ot.

Uo'ó ca lo'ó nerek uetalec am hit'tauanec ra auasaġalec erec nache ca enaġat qaġauat'ton nache aġachaġaná ca ua'gué ra ananel'lec.



Ra sa'auashet taq ra saq'añoġot ca ananel'lec, ca hil'lo'gué ca quia'ġalá' nache ishet ra maeche nanel'lec ca ueta'a ca enaġat.